



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 51. Inglorius Gallorum reditus in Franciam.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Sæcul. XVI.
A.C. 1512.

Navarrensibus irruptionem tentare iussi strenue accurrebant, raraque fortitudinis specimina utriusque Nationis milites edebant; non tamen sine gravi suorum dispendio identidem repulsi, accedente, qua premebantur, famis sævitia, obsidionem solvere compulsi fuere. Ergo Hispani partum Navarræ regnum rursus feliciter tuentur, non parum ad id conferente Episcopo Cæsar-Augustano, qui ad Albæ Ducis castra qua equitum, qua peditum sex millia ab Excea regione adducebat, quo auxilio, si Albensis fuisset destitutus, fors ægre obsidentium impetus sustinuisset, præcipue si Joannes Albretus belli peritia clarior fuisset.

§. LI.

Inglorius Gallorum reditus in Franciam.

Guicc. l. II.
Marian. lib.
30. n. 66.

Ceterum Albretus haud parum anxius erat, qua ratione per medios Montes Pyrenæos ad fugam sibi iter aperiret: Mense enim Septembri jamjam ad medium vergente asperrima obstabat coeli temperies, ipsaque montium juga, perinde ac si mensis Februarius ad finem declinaret, perpetuis erant obsita nivibus, quarum densitas fallaci soliditate in præceps ruendi periculum occultabat, unde viam lignibus, palisque aperire oportebat,

bat, ac certo certius extrema totius exercitus ruina impendisset, si præter itineris injuriam, quæ aliunde ingentem militum numerum absumpserat, ipsi etiam Hispani fugitivos insecuti, transitum interclusissent. Hi tamen, Albreto fuga elapso, urbes, quæ in Navarrae Regis fidem redierant, recuperarunt, ipsumque Lautrecum, qui urbem occupandi fiducia animatus ad S. Sebastiani oppidum processerat, illius obsidionem solvere compulerunt; Cives enim numero quamvis paucissimi, animi tamen robore longe præstantissimi erant, ac insuper Ducis sui, Joannis Arragonii, qui Cæsar-Augustani Archiepiscopi Filius erat, præsentia animati, tam invicta virtute dimicabant, ut Gallorum impetus non modo repellerent, sed etiam illos Rentaviam usque aufugere compellerent, ubi etiam illi brevissimam nonnisi moram trahere permitti, inde præcipiti fuga, totoque pedum studio Aquitanniam versus contendere compellebantur, veriti, ne a Monticolis in unum agmen coeuntibus transitu prohiberentur. Ergo totus Gallorum exercitus ad deplorandum sane statum redactus in Gallias regreditur, cum interea Rex Catholicus toto Navarrae Regno armis subacto Pampelonam adiret, ut parta tueretur, & necessaria daret imperia; postea sua etiam Pontifici arma jun-

Sæcul. XVI.

A.C. 1512.

Joh. Arragonii
 Rex
 1512
 1513
 1514

Sæcul. XVI. jungere statuit, injuriam a Ferrariæ Du-
A.C. 1512. ce acceptam ulturus; hunc enim in Nea-
 polis Regno, ut illud Ferdinando Fride-
 rici Filio assereret, seditionem concitasse
 insimulabat. Verum hujus consilii exe-
 cutio ad proximum Verem protracta est.

§. LII.

Tartari a Polonis cæsi.

*Jodoc. dec.
 in reb. gest.*

*Sigism. Pol.
 Reg.*

*Raynald. ad
 ann. 1512.
 n. 104.*

Magis quam Navarricum, quod Ferdi-
 nandus gesserat, æquum erat Polono-
 rum bellum, quo hi Lithuanis juncti hoc
 anno Tartaros profligabant; cum enim in-
 fideles cum exercitu viginti quinque milli-
 um, & amplius Russiam, Podoliamque in-
 vaderent, atque omnia ferro flammaque
 miscerent, a Christianis Equitibus, quam-
 vis nonnisi quatuor suorum millia recense-
 rent, adeo tamen cruenta clade affecti fue-
 re, ut ex tam numerofo eorum exercitu vix
 centum Christianorum gladios effugerent.
 Eo tempore Sigismundus I. qui tot præ-
 claris facinoribus *Magni* nomen emerue-
 rat, Polonorum Imperium tenebat, in
 quo is tum quadraginta annos natus Ale-
 xandro fratri suo successerat. Parta est
 hæc victoria die vigesima octava Aprilis
 in Festo D. Vitalis; unde hujus Sancti
 memoria hodiedum apud Polonos singu-
 lari cultu celebratur.

§. LIII.